



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 45. S. Methodius persecutionem patitur.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

In illorum temporum Historia ejus-^{Sæculum IX.}
modi facta occurrunt plurima, unde sa-^{A. C. 833.}
tis exploratur, Græcos Magicis carmini-
bus, & præstigiis fidem adhibuisse.

Arfaber Patricius Joannis Patriarchæ
frater, cujus non levis in Regia erat au-
toritas, arcem ruri habebat in littore
Ponti Euxini haud procul ab urbe posi-
tam, quo Patriarcha sæpe divertebat.
Is porro ferebatur sub fratris domo jus-
sisse terram fodi, & aulam commodissi-
mam construi, ad quam arcanus aditus
erat, atque in hoc Palatium subterra-
neum mulieres forma præcipuas & etiam
Moniales structis insidiis deceptas per-
duci curasse, quibus ad Venerem nefan-
dam, quantum vellet, abuteretur, cum
iisdem vacasse magicis artibus, anima-
lium jecur & labra aquis plena aut mor-
tuos, quos revocabat, ut oracula ede-
rent, consuluisse. Talis fuit Joannes
Patriarcha, hujus nominis sextus.

§. XLV.

*S. Methodius persecutionem pa-
titur.*

Methodius Confessor e carceris sui se-
pulchro paulo ante mortem Michae-
lis Balbi evocatus prodiit similis homini,
ab inferis redeunti, calvam crinibus
nudam habens, & præter pellem & ossa
nulla corporis parte constans. Constan-
tino-
Sup. Lib. XLVI. §. 45
vit. c. I. n. 6.

Hist. Eccles. Tom. XI.

X

tino-

Sæculum IX. tinopoli deinde versatus in domo priva-
 A. C. 833. ta mansit, quod nullum Monasterium ab

Hæresi immune invenisset. Cum illis
 vero Monachis aliisque Confessoribus,
 qui secum in persecutione passi fuerant,
 communicavit. Colloquebatur sæpe Vi-
 ris Senatorii Ordinis, & non nunquam
 Hæreticis, quorum aliquos eloquentiæ
 suæ vi, lenitate ingenii, & clarissimis ex
 S. Scriptura argumentis victos conver-
 tit. Cum res hæc ad aures Imperatoris
 Theophili pervenisset, Methodio ad se

n. 7. accersito ait: *Quomodo tu post acerbam
 castigationem vana disputatione ob ima-
 gines, rem levissimam, turbas excitare
 non cessas? Methodius Principi respon-
 dit: Si imagines contemptu dignæ sunt,
 cur tu Domine cum imaginibus JEsu
 Christi non simul illas, quibus tua perso-
 na repræsentatur, tollis, ut eo modo, quo
 JEsus Christus tibi solum honorandus
 videtur, & tu honoreris? Cur imagi-
 num tuarum numerum quotidie auges?*

n. 8. *cur collapsas erigis? Nam more anti-
 quo imagines Imperatorum colebantur.
 Hoc responso accensus Theophilus Con-
 fessorem, nudatum usque ad cingulum
 loris ligari, tumque pectus & dorsum
 plagis sexcentis laniari jubet. Semivi-
 vum deinde & totum sanguine perfusum
 per foramen in subterraneam Palatii
 cellam detrudit, unde noctu viri pii lan-
 guentem*

guentem eripiunt, & vulnera curant. Sæculum IX.
 Imperator vero domum illam, in quam A. C. 833.
 receptus est Confessor, Fisco adscripsit.
 Nihilominus expertus, quod Methodium
 cruciatibus a cultu imaginum attrahere
 non posset, eum lenitate vincere aggres-
 sus est. Vocatum variis sermonibus
 tentat simulans gratum sibi accidere,
 quod ea, quæ contra imagines e Sacra
 Scriptura objicerentur, resolveret. Tan-
 dem præcepit, ut in Palatio cum aulicis
 diversaretur; unde Methodius oppor-
 tunam occasionem nactus, complures
 atque etiam ex illis, quorum consuetu-
 dine Imperator utebatur, veritatem edo-
 cuit, ipsum Imperatorem eo usque sal-
 tem mitigavit, ut Catholicos non tam
 acerbe ac olim averfaretur, nec suæ o-
 pinioni tanta pertinacia inhæreret. Ex post. Th. l. 5.
 eo tempore Imperator Methodium a la- n. 24.
 tere suo nunquam dimisit, eumque etiam,
 cum ad bellum proficisceretur, secum
 duxit, tum quod ejus responsis sensim
 caperetur, tum ne alibi se absente quid-
 quam movere posset; cum enim sciret,
 quanta Methodii Constantinopoli tam
 apud Optimates quam apud ceteros Ca-
 tholicos esset auctoritas, verebatur, ne
 propter Imaginum restitutionem seditio-
 nis auctor existeret.